



## **Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

IV. An & qua ratione Deus cognoscat creaturas tum existentes, tum poßibiles, & num adeo etiam cognoscat insinita.

---

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

ut in ipsa cognitione creaturarum, seu Verbo mentis.

E contrario vero Deum non cognoscere creaturas in seipsis, sed solum in seipsis, expressè & ex instituto docet S. Thomas hic quæst. 14. art. 5. quemadmodum sequuntur Caietanus, & omnes Thomistæ recentiores. Quæ controversia, stantibus & suppositis ijs, quæ haecenius docuimus, ita facile conciliari potest. Dupliciter enim intelligi potest creaturas cognoscere in seipsis; primum ut vocula, *In seipsis*, dicat solum rationem obiecti cogniti; secundò, ut dicat eum rationem & medium cognoscendi. Priori modo nihil est aliud; Deum cognoscere creaturas in seipsis, quam cognoscere secundum se, ac suum proprium. *Esse ac rationem*; quod sane denegari Deo non potest; nec unquam negat S. Thomas; ut dictum supra assert. 2. Posteriori modo, idem est, Deum cognoscere creaturas in seipsis, quod, creaturas ipsas esse Deo rationem ac medium cognoscendi creaturas; quod de Deo dici non potest, ut dictum assert. 5.

Ad quem fere modum etiam S. Thomas cit. art. 5. ait, aliquid cognosci in seipsis, quando cognoscitur per speciem propriam, ad quosdam ipsi cognoscibilis; (formaliter, aut naturaliter, seu directe ita representantem aliquid, tanquam non id solum representanter, ut declarat Gregorius de Valentia loco cit.) sicut cum oculus vider hominem per speciem hominis. In alio autem videri id, quod videtur per speciem continentis: sicut cum pars videretur in toto, per speciem totius. *Vel cum homo videretur in speculo*, per speciem speculi; *vel quocunq; alio modo contingat aliquid in alio videri*. Vbi tamen exempla S. Thomas examinare nil opus est. Illud nota, multum in ipsis verbis positum esse, ut posteriori aut priorem sensum referant. Non enim recte dixeris, Deum cognoscere alia à se in ipsis metu rebus: ita enim significatur rationem Deo cognoscendi esse res ipsas; et si bono sensu dici possit, Deum cognoscere alia in seipsis, ut dictum.

#### DUBIUM IV.

*An, & quaratione Deus cognoscat creaturas tum existentes, tum possibles; & num adeo etiam cognoscat infinita.*

S. Thomas I. p. q. 14. a. 9 & 12.

**E**xplicanda nunc sunt particulatum obiecta creatura, quæ Deus cognoscit; modusque particularis ea cognoscendi: & incipiendum à facilitioribus, quales sunt creature tum re ipsa aliquid existentes, tum possibles etiam, quæ nunquam existent, secundum esse suum possibile spectatae. Nam & nos ceteris paribus facilis cognoscimus ea, quæ existunt, quam quæ non existunt; & ea quæ non existunt, facilis cognoscuntur secundum esse possibile, quam secundum esse actuale, quod habituala- quando sunt.

**Assertio I.** Deus distinctè cognoscit omnes res

existentes, adeoque omnia quæ sunt & sunt in tota aeternitate; etiam intimas & secretissimas cogitationes & affectiones, tam hominum, quam Angelorum. Est mens & doctrina S. Thomas hic quæst. 14. a. 5. 6. & 12. & Magistri aliorumque Doctorum in 1. d. 35. & deinde, ac extra controversiam. Probatur aperiè ex Scriptura Psal. 32. v. 15. *Qui finxit signatum corda eorum; qui intelligit omnia opera eorum.* Proverb. 5. v. 21. *Respicit Dominus vias hominum;* & omnes gressus eius considerat. Proverb. 15. v. 3. *In omnibus locis oculi Domini contemplantur bones & malos.* Eccles. 17. v. 16. *Omnia opera illorum velut sol in confectu Dei:* & oculi eius sine intermissione insufficiens in uis cerum. Ecclesiast. 23. v. 28. *Oculi Domini multo plus lucidiores sunt super solem;* circumspicientes omnes vias hominum & profundum abyssum, & hominum corda intuentes, in absconditas partes. *Domino enim Deo antequam crearentur omnia sunt agnita;* sic & post perfectum respicit omnia. Jerem. 17. v. 10. *Ego Dominus scrutans cor,* & probans renes: qui do unicuius iuxta viam suam, & in via fructuum adiumentorum suarum. Apocal. 2. v. 23. *Ego sum scrutans renes & corda;* & dabo unicuius verum secundum opera sua. Denique generatim de omnibus rebus creatis, præterius existentibus, dicitur Heb. 4. v. 13. *Non est illa creatura inuisibilis in conspectu eius,* ad quem nobis sermo. Rationes sumuntur ex assertione 1. 2. & 3. dub. præced. ex enim vel maxime procedunt de rebus existentibus, quæ & à Deo velut agente intellectuali efficiuntur, & à nobis facilis cognoscuntur.

**Assertio II.** Deus clare, etiam & distinctè cognoscit omnes creature possibles, omnesque modos earum possibles, qua possibles sunt, siue secundum esse possibile; etiam si eæ nunquam actu sint futurae. Ita S. Thomas hic q. 14. a. 9. & est extra controversiam, ac de fide, Probatur ex Scriptura Rom. 4. v. 17. *Qui vocat ea, quæ non sunt, tanquam ea quæ sunt.* Item Ecclesiast. 23. v. 29. *Domino Deo antequam crearentur, omnia sunt agnita;* etiam secundum esse actuale, quod aliquando habitura essent; ergo multo magis secundum esse possibile. Ratio est; tum quia etiam hac eo ipso, quod sunt entia quædam, nimis in potentia, sunt cognoscibilia; præterim quando ex eo genere nos ipsi etiam multa cognoscimus: ergo cognoscuntur per infinitum scientiam Dei; quæ hoc ipso quod infinita est, necessariò terminatur ad omne possibile: tum quia Deus comprehendit seipsum, omnemque creaturem, totamque inuenit machinam; ergo cognoscit omnia quæ sunt in sua, vel creature potentia. Vnde recte etiam concludit S. Thomas cit. a. 9. *omnia cognoscere Deum, quæcum per naturam possunt fieri;* vel cogitari, vel dici, & etiam quatuor quæ se facere possunt, etiam facta non sunt.

**Assertio III.** Deus ea quæ existunt, velexisteriam quandoque habebunt, vel habuerunt, in uilla duratione quomodo conunque aeternitati coexistente, cognoscit scientia visionis: quæ autem nec sunt, nec erunt, cognoscit scientia simplicis intelligentiae. Ita S. Thomas hic cit. q. 14. a. 9. ex communis modo loquendis Doctorum. Cuius hæc est ratio. Quia videri oculis corporis non possunt, nisi existentia; & quæ habent esse (existentia) distinctum extra videntem, ut loquitur S. Thomas. Intelligit autem, non visionis; sed simplici intelligenti modo, possunt & dicuntur etiam ea,

iam ea, quæ nunquam habent existentiam. De quo modoloquendi plura q. 6. dub. 9.

**Assertio I V.** Deus in utroque genere tam creaturarum, non quidem actu similexistentium, sed habentium existentiam in tota æternitate, quamvis possibilium, adeoque scientia utræque, & visionis, & simplicis intelligentiae, cognoscit infinita. Ita S. Thomas hic q. 14. a. 12. Caietanus & recentiores Thomistæ omnes ibidem, Ferratiensis cum S. Thoma (etsi quoad scientiam visionis paulo alter loquente) 1. cont. gent. cap. 69. Conscientiunt Bonaventura in t. d. 39. a. 1. q. 3. Richardus ibidem, Gregorius de Valentia q. 14. p. 6. Molina cit. art. 12. Vafquez hic d. 63. c. 2. Neque sub histerminis adueruntur Aureolus & Durandus infra. Solus Wicleffus, quia negavit esse infinitam multitudinem eorum, quæ Deus non fecit, & potest facere, consequenter negare debuit, Deum in generere rerum merè possibilium cognoscere infinita; id quod tamen veluti manifestum errorem ex instituto refellit Waldensis t. 1. lib. 1. a. 1. cap. 14. Omitto Averroem 12. metaph. com. 51, qui ob hanc etiam causam, ne dicendum sit, Deum cognoscere infinita, negavit, Deum distincte & particulatum cognoscere singularia, de qua re dub præcepit.

Probatur assertio. Quia tam merè possibilia, saltem secundum numerum, in unaquaque specie sunt infinita, quam actualiter quandoque existentia, vt videre est in cogitationibus & affectionibus hominum, & Angelorum, in tota æternitate fututis: quæ omnia Deus distincte cognoscit, cum scientiam habeat simpliciter infinitam, quæ necessariò fertur, omnia intelligibilia.

**Assertio V.** Deus distincte & particulatum cognoscit non solum infinitam multitudinem cognitionum in tota æternitate futurarum; sed etiam infinitam multitudinem diuisorum possibilium, (supposita communii philosophia) in continuo; & cuiuscunque numeri rei in infinitum multiplicabili. Ita docent, & supponunt omnes authores citati pro assertione præcedenti; & expresè tradunt Sonzinas in t. d. 35. q. 2. & Gregori⁹ de Valentia loc. cit. contra Aureolum & Durandum in t. d. 39. quest. 2. num. 9. qui duo contrarium significant, sed diuersa ratione.

Aureolus enim in 1. dist. 35. part. 4. art. 3. propos. 3. quia negat, creaturas villas, seu quicquam esse in prospectu diuino, aut in eius praesentia, nisi Verbum, & diuinam essentiam, ideo etiam negat multitudinem infinitam, aut villam omnino multitudinem ponit in diuino intellectu etiam obiectiu: Liceat, inquit, infinita dicantur (a Deo) cognita denominatio & equipollenter, cognita Deitate: de qua re dictum nonnulli dub. præcepit.

Durandus autem loco cit. docet, ea solum ratione à Deo cognosci infinitam eiusmodi multitudinem; quia dato qualibet eiusmodi numero finito, cognoscit posse dari maiorem; & quia nouit, inquit, quod data quacunq; multitudine finita in cognitionibus, quæ erunt, possibile est dari plures; non autem quia nouit totam multitudinem cognitionum, quæ erunt, vt tarentem omni finito numero, extra quam non est possibile accipere aliquid de cognitionibus huic creature rationali; sed intra illam multitudinem contine-

tur, quidquid est possibile in cognitionibus huic creature. Cuius rei duas rationes afferunt. Prima est. Si enim Deus hoc posteriori modo nosset infinitam multitudinem cognitionum, pari ratione & modo nosset multitudinem infinitam diuisorum possibilium in continuo; sed istud non est verum: Ergo nec illud. Probatur assumptio: quia si Deus nouit totam multitudinem diuisorum continuo, extra quam non est possibile accipere aliquam diuisum possibilem in continuo, & in qua continetur omnis diuisus possibilis, sequitur, quod per diuisiones, quas Deus intelligit, continuum intelligatur diuisum in diuisibilia. Quia si per illos non intelligitur diuisum in diuisibilia, sed diuisibilia, sequitur quod intelligatur, vel possit intelligi amplius diuisibile. Ergo extra diuisiones continuo, quas Deus intelligit, possibile est dare aliam, vel alias; quod est oppositum antecedenti, seu contra hypothesis. Secunda ratio Durandi est. Quia res non cognoscitur nisi sicut est, sed multitud futurarum cognitionum, eatenus solum habet esse, quatenus aliqua illarum sunt actu, & aliquæ aliæ restant possibles: Ergo eatenus solum Deus cognoscit multitudinem illam cognitionum, quatenus cognoscit aliquas illarum (finitas visu) esse actu, & alias præterea esse possibles. Addi potest tertio; alioqui consequens est, aut Deum plus cognoscere, quam possit facere, aut certè poterit esse ad cognoscendum, quam ad faciendum; posset enim simul & actu cognoscere infinitum: quod tamen non potest simul facere.

Sed omissa Aureoli sententia, de qua satis dictum dubio præcedenti, sententia famè Durandi non videtur tolerabilis, vt rectè censuit Gregorius de Valentia cit. p. 6. Nam ex ea consequens est, aut Deum nunquam distincte cognoscere omnes & singulas eiusmodi cognitiones futuras, etiam quando existunt; aut in sua cognitione mutari & crescere; quorum utrumque est erroneum: quod itidem de partibus in quas diuini potest continuum, omnique numero, & multitudine, locum habet. Accedit, quod nullus potest certus terminus assignari multitudinis earum cognitionum, quas Deus distincte cognoscit; cum nulla sit ratio, cur non qualibet multitudine assignata, maiorem etiam distincte cognoscat: nisi quis dicat, eas solum distincte cognoscere, quæ actu sunt, aut fuerunt; nullam autem earum, quæ erunt; nisi postquam itidem actu sunt aut fuerunt: quod est absurdissimum, & contra fidem; sic enim Deus ab æterno non sciisset distincte lapsum Angeli vel Adami, in occultis affectione præcipue situm, vt alia absurdada taceam. Denique singulæ illæ cognitiones & partes continuo possibles sunt, entia saltē possibilia: ergo distincte cognoscibilia, saltē infinito intellectu Dei.

Ad primum argumentum Durandi, concessa sequala, negatur assumptum ex dictis. Ad probationem respondet, negando sequalam. Ad annexam rationem respondeo, non ipsum quidem continuum intelligi amplius diuisibile, quam in eas partes omnes, in quas diuini potest, quaque omnes & singulæ à Deo sunt cognitæ; sed quilibet tamen eius partem adhuc intelligi à Deo, vt à parte rei

est, diuisibilem in plures partes, non quidem extra eas, quæ à Deo sunt cognitæ, sed contentas in ea ipsa multitudine infinita, quæ à Deo sigillatim cognita est: ita ut ob hoc ipsum, quod est infinita, in potentia, eiusmodi diuisiōnum seu partium diuisibilium multitudo, ad nullam diuina etiam cognitione perueniatur, quæ diuidi amplius non possit.

Dices, Deus nouit distinctè omnes & singulas diuisiones, seu diuisiōnēs partes, in quas diuidi potest continuum: ergo nouit diuisiōnēm menteabsolutam: ac proinde fieri non potest, vt partes illæ ita cognitæ vterius intelligentur diuisibiles. Respondeo, Deum cognitione sua eiusmodi diuisibilium nullam proprie facere diuisiōnēm, nec inchoatam, nec absolutam; sed ea tamen ratione dici posse diuisiōnēm omnem possibilēm eius cognitione absolutam, non quia finita & terminata est eius notitia: est enim infinita & cognoscitur infinita; sed quia eius mente tota comprehensa est; ex quo tamen minime sequitur, partes ita cognitæ non cognosci vterius diuisibiles; sed potius in infinitum adhuc diuisibiles. In quo est aliqua similitudo inter infinitas cogitationes, & partes continuū possibilēs; non ea tamen ratione, quam notauit Vasquez Disput. 63. num. 14. vt dicemus assert. sequenti.

Ad secundum respondeatur cum distinctione minoris; est enim vera si cum respectu ad certam aliquam finitamque durationem loquamur: ita enim cogitationes infinitæ sunt, respectu certæ eiusmodi finitæque durationis, vt aliqua sint actu, alia vero sint adhuc in potentia: at vero respectu totius aeternitatis; falsa est, quia in tota aeternitate omnes & singulæ sunt actu, adeoque habent suam propriam ac distinctam existentiam: secundum quam proinde etiam à Deo sigillatim & distinctè cognoscuntur.

Ad tertium negatur sequela. Sicut enim Deus potest distinctè cognoscere infinitum syntagmaticè, ita potest etiam facere; diuersitas solum est in modo cognoscendi ex parte cognoscentis; & modo producendi illud; quod nimirum simul illud cognoscat; cum tamen solum successiū producat: quod etiam in omnibus rebus successiū accedit; & suo modo in nostra etiam cognitione cernitur. Neque enim idem est modus cognitionis ex parte cognoscentis, & modus essendi ipsius rei cognitæ, vel etiam productionis ad extra. Quare etiam negatur, Deum potentiorē esse ad cognoscendum, quam ad operandum; si propriè & formaliter loquamur; sicut enim Scientia Dei in suo genere est infinita; ita etiam potentia operativa ad extra.

Quoniam modus infinitatis vtriusque, ex parte obiecti, non est plane idem; ad illum enim specat, simul & actu cognoscere omnia cognoscibilia; ad hanc vero non pertinet simul aut actu facere; immo nec posse facere omne factibile; sed solum posse facere, quæ non dedecent infinitum ens: quo sit ut DEVS cognoscere aliquid possit, quod tamen non potest facere; item ut simul aliqua cognoscat, quæ tamen non possunt simul esse. Et ratio diuersitatis est;

quia operari ad extra non est perfectio operantis, sed subiecti recipientis; nec etiam posse operari quidlibet, est perfectionis, sed solum operari posse bene, & quod recte fieri potest: cum tamen acta cognoscere quidlibet (etiam peccatum) sit perfectionis in ipso cognoscente: qua de causa cognoscere quidem omne cognoscibile, necessarium est ad infinitam Dei perfectionem; facere autem, aut posse facere omne factibile, non item; cum peccatum facere Deus nullo modo possit.

Assertio. VI. Deus cognoscendo eiusmodi infinita, acta quidem cognoscit infinita; at non infinita actu, sed solum infinita in potentia. Ita expressè Durandus in 1. d. 39. quæst. 2. Almain. in 3. d. 14. q. 1. quos sequuntur recentiores communiter, speciatim Greg. de Valentia & Molina loco cit eti contrarium docet Valquez cit. disp. 63. cap. vbi dicit, Deum ea ratione non cognoscere solum infinitum in potentia, sed etiam infinitum actu; eo quod actu omnis illa multitudo cogitationum futuraruim, & aliquando in tota aeternitate existentium praesens sit Deo, citatque pro eadem sententia S. Thomam hic, Bonaventuram, Richardum, Waldensem, Caietanum, Ferrariensem locis praeced; assert, citatis: sed malè, & sine causa; quia isti solum absolute docent, Deum actu cognoscere infinita; sed non dicunt ea, quæ ita cognoscit, esse infinita actu: & cum ipsi infinitum actu omnino impossibile esse sentiant, vt suo loco superiorius dictum, procul dubio intelligunt, ea ratione infinitum in potentia solum à Deo cognosci; vepiane falsum sit, quod Vasquez n. 1. ait, hanc quam fecuti sumus opinionem, nullum alium ex antiquis scriptoribus sequi, preter Durandum, & Almain. Rectius aliquo modo pro Vasquij sententia citari potest Aureolus in 1. d. 35. quæst. 1. artic. 3. vbi propterea etiam negat, ullam infinitam multitudinem, aut quidquam aliud, præter Verbum, seu diuinam esentiam, esse in potentia Dei vel presentia: quia quantumcumque, inquit, similitudo sit unica, si infinita ponantur obiectuè presentia, distincta, & in actu, ponetur infinitum in facto esse & in actu; quod, inquit, est omnino impossibile. Quibus verbis non concedit, quidem. Aureolus infinitum actu secundum multitudinem à DEO cognosci; sed solum futurum, vt infinitum actu cognoscatur, si multitudo illa sit in potentia Dei &c.

Sed ratio assertionis est manifesta. Quia cognitionis Dei cum cognoscat rem sicuti est, non mutat rem ipsam cognitam, seu conditionem rei; cum ergo seclusa cognitione diuina, infinita illa, que diximus, sit tantum infinita in potentia, iuxta descriptionem Aristotelis 3. Physic. c. 6. vbi infinitum in potentia docet esse illud cuius omnes partes non sunt (nec fuerunt) actu; sed in quo id quidem, quod actu existit, (vel exitit) finitum est; semper tamen aliquid restat accipendum; sane dici non potest, id quod ita à Deo cognoscitur, esse infinitum actu. Accedit, quod ipsem Vasquez n. 4. ait, infinitum actu, ex mente Aristotelis, esse multitudinem rerum, quæ simul sunt, in qua non possit prima & ultima signari; cum tamen manifestum sit; multitudinem infinitam cogitationum futura-

futurorum, non esse simul, sed successiuè in tota æternitate existere, ut semper aliquid restet accipientium sive addendum. Quod suo modo etiam superius quæstione quarta, de partibus continui dictum. Nec valet argumentatio à modo cognitionis, ad modum obiecti cogniti, ut præced. assert. diximus. Licet ergo Deus simul quidem & actu cognoscatur modi infinita; hæc tamen non ideo sunt infinita actus, sed in potentia: et si recte dici possit infinitum in potentia actu esse, vt etiam sensit Aristoteles loco citato, nimirum suo modo & successiuè ex quo tam minimè sequitur, esse infinitum actu,

Dices. Deus distinctè cognoscit eiusmodi infinita: Ergo sunt actu distincta in mente diuina; ergo actu multa in eadem mente: & tamen non sunt actu multa infinita, seu numero finito: Ergo sunt in mente diuina multa actu, multitudine seu numero infinito: Ergo Deus cognoscit multitudinem infinitam actu. Respondeatur. Negando ultimam consequentiam; quia procedit ab esse obiectu rei, ad esse subiectuum & reale, ex eo enim quod infinita terminant actu diuinam scientiam, infertur, ea simpliciter & absolute esse actu infinita: cum tamen infinitum actu non dicatur ab existentia obiectu rei cognitæ: sed ab existentia reali & subiectu eiusdem parte rei existentis; quæ vti dictum, per diuinam cognitionem minimè immutatur. Plura de hac recit. quest. 4. dub. 2.

Quæritur denique hoc loco, an per hoc quod entia possibilia diuinam scientiam terminant, intelligantur habere aliquod esse actuale extra intellectum. Et refertur Scotus 1. d. 36. quest. 1. sensisse, Deum intelligendo creaturas, produxisse eas ab æterno, in quodam esse intelligibili obiectu, quod esse diminutum vocat. Quod etiam defendunt cæteri Scotisti, Malafossius, & Bargius in 1. d. 35. & sequitur Waldensis tom. 1. l. 1. art. 1. cap. 1. 2. & 3. Quod ita referunt & refellunt Gabriel in 1. d. 35. quest. 1. a. 3. Caietanus quest. 15. a. 1. Gregorius de Valentia q. 15. p. 2. alijque Thomistæ recentiores, quasi Scotus de esse quodam actuall locutus sit, quod habeant res extra intellectum; eaque de causa emetiam sententiam leuerius centent. Sed hac de esto.

111. **Affirmatio VII.** Creaturæ ab æterno cognitæ à Deo, per hoc præcisè, quod ita cognoscuntur, nullum habent extra Deum esse reale, immo nec ullum verum esse actuale extra Deum; sed solum esse possibile, cum esse obiectu in intellectu diuino, seu denominazione extrinseca obiecti cogniti. Ita cum S. Thoma q. 14. art. 9. Thomistæ omnes, alijque citati. Item Molina hic q. 14. a. 5. & 6. Suarezlib. 3. c. 2. n. 18. & Metaphys. d. 31. sec. 2. Vasquez disp. 70. capit secund. & disp. 114. num. 4. ex communi & certa. Rat io est: tum quia alias res omnes creatæ secundum esse suum proprium & formale, existent ab æterno extra Deum; quod non est consonum fidei. Tum quia vniuersim intellectio rei por se nullum dat reicognitæ esse reale, vel actuale extra intellectum. Neque vero Scotus licet obscure locutus, contrarium re ipsa sensit, ut recte Molina & Vasquez loco citato.

Sed obiecti tamen pro opposita sententia potest, quod alias entia possibilia non videantur dici posse effectus Dei, qui vt tales in Deo velut causa cognosc-

scantur. Respondetur, negando sequelam. Quia nichilomin⁹ eti⁹ non sint effect⁹ actuales, sunt tamē possibles: non quidem quod ipsum esse possibile, quocunque modo sumptum, præcisè & in se sit per modum effectus posterioris quidam potentia diuina, ut dicetur q. 11. & fus Vasquez d. 204. Sed quia certè hoc ipso, quod à sua possibilitate extrahi quodammodo, & in actu reduci possunt à Deo, accipiendo ab eodem actualem existentiam, recte dicuntur effectus possibles Dei.

### D V B I V M V.

#### *An Deus cognoscat omnia futura contingentia, tum absoluta, tum conditionata.*

S. Thomas 1. p. q. 14. a. 9. & 13.

Nilla peculiaris instituitur quæstio apud Theologos, an Deus cognoscat ea, quæ necessario futura sunt. Cūenim quæ talia sunt, habeant suas causas existentes necessarias, quas Deus intimè nouit, ut dictum dub. præced. nullum relinquitur dubium, quin etiam Deus omnia, iuxta suum quem habent modū necessitatis (ex suppositione scil. causarum necessiarum; siquidem ab ipso Deo, vel aliunde non impediantur) certissimè ac ab æterno præcognoscat. Quæstio igitur solum est, de futuris contingentibus, non quidem cognitis tunc solum, quando existunt in aliquo tempore, vel duratione, eternitatì quandoque coexistenti; de his enim sub hac consideratione actu est dub. præced. sed de futuris qua futuris; intellige, non solum respectu præsentis temporis, sed indefinite respectu aliquius durationis coexistentis æternitati, qua Deus rerum omnium creatarum existentiam antecessit. Ea vero duplicitis sunt generis. Quædam enim eti⁹ sicut à causis secundis naturalibus, & secundum se determinatis ad hoc vel illud agendum, ita tamen sunt, vt quoad suum effectum impediti possint ab alijs causis secundis itidem necessariis; vt sunt futura pluviae, ac tempestates, prouentus annonæ, generationesq; animalculorum, supposita hac vel illa cœli constillatione; quæ ex varia aëris, aquæ, terra, &c. dispositione impediti possunt. Et de his itidem non est propriè difficultas: cū enim Deus totam complexionem causarum naturalium penitus habeat perspectam, scit vtique omnia etiam effecta, quæ & quatenus ab illis, tanquam naturalibus ac necessario agentibus (si nimirum à causa libera non impediantur) producentur. Alia vero contingentia vt sic sunt ac pendent à causis secundis liberis, quæ maximè propriè & per se contingentia dicuntur, & de his potissimum in presenti est quæstio.

Hæc autem futura contingentia rursum, aut sunt absolute aliquando ac re ipsa futura; alia vero re ipsa non quam sunt futura, sed futura solum essent, aut fuissent, (respectu antecedentis æternitatis) si certa quædam poseretur, aut posita fuisset conditio, nūquam tamen re ipsa posita vel ponenda; quæ propterea etiam vocantur futura contingentia conditionata. Vbi inter Theologos celebris est controversia, an Deus ab eterno certa & infallibili notitia præcicerit, quid quilibet creatura rationalis & libera fuisset actura, si haec vel illæ conditiones fuissent posite; v.g. an si alius homo, vt Petrus vel Paulus, cum his vel illis circum-